


類笈王右丞詩集



類箋唐王右丞詩集卷之一

唐藍田王維撰

宋廬陵劉辰翁評

明勾吳顧起經註

五言古詩

四時

早春行

紫梅發初遍黃鳥歌猶澁誰家折楊女弄春如
不及愛水看糝坐羞人映花立香畏風吹散衣

愁露霑濕玉閨青門裏日落香車入游衍益相思含啼向綵帷憶君長入夢歸晚更生疑不及

紅簷鸞雙棲綠草時

西京雜記修上林苑羣臣各獻名果有紫蒂梅毛詩

黃鳥于飛疏或謂之黃栗留一名倉庚一名商庚一名鷺黃一名楚雀齊人謂之博黍方言

黃自關而西或謂之黃鳥謝靈運有折楊柳行庾肩吾詩看妝畏水動梁簡文帝詩飄飄散香

勢史記淮南王傳子胥曰吾恐宮中生荆棘露吾衣陶潛詩夕露霑我衣前漢書注霸城門

民間所謂青門也漢宮殿名長安有青綺門別國洞冥記有青雀羣飛於霸城門迺改為青雀

門三輔黃圖云長安城東出南頭第一門曰霸城門民見其門青色因名曰青城門廟記隋都

長安故陳正理曰青門之外有死不能後魏宇文泰殺柔然可汗於青門外則知周隋之時猶

名為青門也曹公卞夫人書送私所乘者香車

一乘毛詩注游衍寬縱之意梁元帝詩含媚向羅幃斑婕妤賦中庭凄兮綠草

生梁江總詩不用庭中賦綠草

晦日遊大理韋卿城南別業

文苑英華及劉須溪校本

題下俱云四聲依次用各六韻荆楚歲時

記元日至月晦並為醮聚飲食每月皆有

晦朔正月初年時俗重以為節王燭寶典

元日至月晦人並為醮食士女悉湔裳酌

酒於水湄以度厄唐志德宗時李泌請廢

正月晦日為節也舊唐書韋虛舟京兆萬

年人舉孝廉自御史累至司勳郎中歷長

史刺史采訪使入為刑部侍郎終大理卿

父子兄弟更踐郎署時稱郎官家今公詩

有朱輪故鄉等語入閭閻望水波

奇字齋

三集卷一

二

與世澹無事自然江海人側聞塵外遊解轆一作

弁軛朱輪平一作極野照暄景上天垂春雲張組

竟北阜汎汎過東鄰故鄉信高會牢醴及佳辰

一作家臣幸同擊壤樂心荷堯為君莊子江海山林

傳放情江海列子吾側聞之司馬遷書側聞長

者之遺風矣莊子孔子彷徨塵垢之外宋書王

徽報書深言塵外之適殷仲文詩肅此塵外軫

續輿服志景帝中元五年詔六百石施車暫得

銅五末軛廣韻軛軼也漢輿服志公列侯安車

朱斑輪古今注武帝天漢元年今諸侯王大國

朱輪楊暉書乘朱輪者十人左思詩朱輪竟長

衢曹植詩上天垂春雲吳都賦張組幃謝靈運

詩張組眺倒景西都賦朕北阜謝靈運詩卜室

倚北阜周易東鄰之殺牛漢書游子歸故鄉史

記項羽傳飲酒高會注韋昭曰皆召尊爵服虔

云大會也帝王世紀帝堯之世有八九十老人

擊壤而歌高士傳壤父者堯時人也有擊壤歌

論衡有五十人擊壤於途風土記壤以木為之

前廣後銳可長尺三四寸形如履臘郎童少以

為戲分部如摘博藝經云長尺四濶三寸將戲

先側一壤於地遙於三四十步以手擊中壤敲

之中者為上釋名曰野老之戲也玄晏云十七

時與從姑子果卿等擊壤於路則晉時尚此戲

矣吳盛彥賦曰以手中之壤敲地上之壤如今

以錢取之之類也謝靈運詩獲我

擊壤情論語大哉堯之為君也

郊居杜陵下永日同攜手仁人一作里藹川陽平

原見峯首園廬鳴春鳩林薄媚新柳上卿始登

席故老前為壽臨當遊一作南陂約略執杯酒

奇字齋

歸與紉

一作繼

微官惆悵心自咎

勝選。漢書尹翁歸後徙居杜陵注故杜伯國宣帝更名水經注元帝初元元年葬先帝杜陵北去長安五十里陵之西北有杜縣故城秦武公縣之漢宣帝元康以杜東原上為初陵更名杜縣為杜陵也三輔皇圖宣帝杜陵在長安城南帝在民間好遊鄠杜間故葬此長安志杜陵今在奉元城東南二十五里三趙村陵在高原之上即所謂鴻固原也陵之制

面去陵十餘步皆有觀闕基趾真誥杜陵宣帝少依許氏在杜縣葬於南原徙關東名族四十五姓以陪杜陵毛詩聊以永日王粲詩庶茲永日毛詩攜手同行李陵詩攜手上河梁荀子仁有里仁非其里而虛之非禮也思玄賦匪仁里其焉宅兮爾雅高平曰原謝靈運詩遂登羣峯首南都賦宮室則有園廬舊宅張華詩于今比園廬曹植詩春鳩鳴飛棟漢書馬融隱處安林

薄師古曰草藂生曰薄楚詞注草木交曰薄陸

機詩林薄杳阡眠左傳賓之以上卿國語注上

卿執政命於天子者也毛詩召彼故老西都賦

命夫諄誨故老史記后妃傳武帝奉酒前為壽

又莊王置酒優孟前為壽注上酒為壽非大行

酒蘇武詩羽翼臨當乖登樓賦有歸與之歎音

潘岳詩豈敢陋微官

楚詞惆悵兮私自憐

冬中餘雪在墟上春流駛風日暢懷抱山川好

天一作多秀氣雕胡先晨炊一作豐酌庖膾亦後一作雲至

高情浪海嶽浮生寄天地君子外簪纓埃塵良

不啻所樂衡門中陶然忘其貴漢書周舉傳每冬中輒一月寒

食山居賦

苾溫泉於春流何遜詩君隨春水駛

西京雜記菰之有米長安人謂之雕胡通志略

雕胡蔣米也又云菰曰蓬今人謂之茭爾雅雕蓬者米茭也其米謂之雕胡可作飯史記韓信傳乃晨炊蓐食郊祀志注炊謂饔爨後漢書陰興嘗臘日晨炊而竈神形見沈約詩雕胡方自炊毛詩包鼈膾鯉莊子其生若浮劉植詩廣路揚埃塵尚書不啻若寔其口出玉篇買賣云不啻毛萇傳衡門如字衡橫也注橫木為門也門之深者有阿塾堂宇此惟衡木為之詩義問橫一木作門而上無屋謂之衡門漢書注機木為門顏師古曰橫木為門貧者之居也陶潛詩陶然自樂

高館臨澄陂曠然一作望蕩一作理心目淡蕩動雲

天玲瓏映墟曲鵲巢結空林雉鳴幽谷應接

無閒暇徘徊以一作似躑躅紆組上春堤側弁倚

喬木弦聖忽已晦後期洲應綠天台賦恣心目之寥朗莊子黃

帝得之以登雲天謝靈運詩崔率刺雲天甘泉賦和氏玲瓏注玲瓏明見貌謝靈運詩環洲亦玲瓏陶潛詩時復墟曲中毛詩維鵲有巢注鵲善為巢其巢最為完固張景陽詩鳴鶴括空林禮記月令雉鳴雞乳說文雉鳴也雷始動雉鳴而鳴晉書張華傳武庫中忽有雉鳴世說新語王子敬云從山陰道上行使人應接不暇荀子鉛過故鄉則以徘徊焉躑躅焉注徘徊旋飛翔之貌躑躅以足擊地也說文曰躑躅住足也廣雅躑躅踟躕也舞鶴賦躑躅徘徊毛詩注組間次五采為之禮疏薄闊為組隋書弁之制按五經通義高五寸前後玉飾詩會弁如星董巴曰以鹿皮為之尚書顧命四人綦弁執戈釋名弦月半之名也其形一旁曲一旁直若張弓弦也望月滿之名也月大十六日月小十五日日在東月在西遙相望也晦灰也火死為灰月光奇字齋

盡似之也尚書正義當月之中日月相望故以月半相望望去晦朔皆不滿十五也又半此望去晦朔之數名曰弦弦者言其光正半如弓弦也後漢歷律志光盡體伏謂之晦李陵詩弦望自有時何遜詩我行朔已晦

春夜竹亭贈錢少府歸藍田

唐書文藝傳錢起字仲父

吳興人天寶中舉進士與郎士元齊名時語曰前有沈宋後有錢郎終考功郎中長安志藍田縣秦舊縣也竹書紀年梁惠王命太子向為藍田君水經注藍田縣蓋太子向之邑漢書藍田縣秦孝公置山出美玉周禮曰玉之美者曰球其次曰藍按縣秦屬內史漢屬京兆尹後魏省縣孝文帝復置隸京兆郡後周析縣置玉山白鹿入藍田以隸京兆唐武德三年析藍田置玉山縣貞觀三年皆省入藍田仍隸京兆府

又錢起有酬公一首見同詠集

夜靜羣動息時聞隔林犬卻憶山中時人家澗

西遠羨君明發去采蕨輕軒冕

莊子善卷曰日入而息尸子晝

動而夜息天之道也陶潛詩日入羣動息毛詩明發不寐注謂將旦而光明開發也謝靈運詩皎皎明發心毛詩言采其蕨爾雅蕨蕨初生無葉可食狀如大雀拳足又如其足蹙也故謂之蕨詩疏秦國謂之蕨齊魯謂之齧管子先王制軒冕以著貴賤謝眺詩志狹輕軒冕

新晴晚望

新晴原野曠極目無氛垢郭門臨渡頭村樹連溪口白水明田外碧峯出山後農月無間人傾

家事南畝

禮記月令周視原野王景興書想亦極目而迴望謝靈運詩極目眺左澗

又詩而不纓垢氛毛詩盥彼南畝

苦熱

樂府解題苦熱行備言流金爍石火山炎海之艱難也通志略時景二十

五曲有苦熱行公亦擬作樂府詩集收此首於雜曲歌詞下

赤日滿天地火雲成山嶽草木盡焦卷川澤皆

竭涸輕紈覺衣重密樹苦陰薄莞簟不可近絺

綌再三濯思出宇宙外曠然在寥廓長風萬里

來江海蕩煩濁却顧身為患始知心未覺忽入

甘露門宛然清涼樂

何遜詩赤日下城圓虎韜夜則火雲萬炬括地圖天

毒國最大暑熱夏草木皆乾死應休璉書頃者

炎旱草木焦卷何遜詩昔聞草木焦劉鑠詩坐

見輕紈緇毛詩上莞下簟注莞蒲席也竹葦曰

簟又詩為絺為綌兮周禮掌葛以時絺

綌之財文子上下四方謂之宇往古來今謂之

宙鵬冠子合購同根命曰宇宙陶潛詩俛仰終

宇宙楚詞嗟寥廓而無處左思詩壁立何寥廓

宋書宗慤願乘長風破萬里巨浪嘯賦集長風

乎萬里陸機樂府長風萬里舉彌陀經劫濁見

濁煩濁衆生濁命濁涅槃經一切衆生開甘露

門大寶積經願開微妙甘露門普曜經甘露門

開如何不出度生品法華經如以甘露灑除熱

得清涼傳燈錄僧神光者久居伊洛事達磨夜

天大雨雪光堅立不動悲淚曰惟願和尚慈悲

開甘露門濟度羣品寶積經有風輪名清涼涅

槃經有國多清涼風能除一切鬱蒸之惱禪法

要解經云何第三禪樂世間最樂粗者為喜根

細者為樂根辟如極熱得清涼水持洗手面是

奇字齋

三集卷一

六

名爲喜入清涼
池是名爲樂

納涼

喬木萬餘株清流貫其中前臨大川口豁達來
 長風漣漪涵白沙素鮪如遊空偃卧盤石上翻
 濤沃微躬漱流復濯足前對釣魚翁貪餌凡幾
 許徒思蓮葉東毛詩南有喬木論衡觀喬木知
舊都石崇思歸引柏木幾於萬

株景福殿賦爾廼開南端之豁達注豁達門通
之貌劉楨詩豁達來風涼毛詩河水清且連漪
爾雅風行水成文曰連水波如錦文曰漪山海
經注鮪似鱸而長一名鱮古今注鱸之大者曰
鮪廣雅鮪仲春從河西上得過龍門化爲龍爾
雅疏鮪魚形似鱸而青黑頭小而尖似鐵鑿口

大者爲黃鮪小者爲赤鮪今東萊遼東謂之尉
 魚或謂仲明尉溺死化爲此魚月令春薦鮪於
 寢廟夏小正祭鮪魚之先至者也列子紀昌歸
 偃卧其妻之機下嚴光傳因其偃卧謝靈運詩
 偃卧任縱誕嘯賦坐盤石漱清泉注盤石大石
 也宋書蕭思話登鍾山中道上有盤石清泉沈
 約詩使欲息微躬宋書顧協從外祖張永撫之
 曰兒欲何戲協曰兒正欲枕石漱流世說新語
 孫子荆語王武子當枕石漱流誤曰漱石枕流
 真仙通鑑葛公曰枕石漱流吾所樂也文子混
 混之水濁可以濯吾足晉書隱逸傳翟莊曰貪
 餌吞鈎宋書王或傳字景文帝嘗與羣臣臨天
 泉池帝垂綸良久不獲景文越席曰臣以爲垂
 綸者清不獲貪餌衆皆稱善楚詞知貪餌而近
 斃歸田賦貪餌吞鈎古詞江南曲

魚戲蓮葉東劉導詩垂鈎蓮葉東

秋夜獨坐懷內弟崔興宗

按公之母乃崔氏意妻亦崔姓

奇字齋

三集卷二

三集卷一

七

何應亭

與興宗同行故公稱之曰內弟新唐書宰相世系表第二房崔氏恭禮駙馬都尉博陵郡男其子興宗饒州刺史即公之內弟也

夜靜羣動息蟪蛄聲悠悠庭槐北風響日夕方

高秋思子整羽翰及時當雲浮吾生將白首歲

晏思滄洲高足在旦暮肯為南畝儔羣動息注見前莊子

注蟪蛄夏蟬也離騷蟪蛄鳴兮啾啾釋蟲云蟪蛄寒蟬也按風土記蟪蛄鳴於朝蟬鳴於夕則謂寒蟬也

一名蜩蛄春生夏死夏生秋死爾雅關東謂蟪蛄為蜩齊謂之蟪蛄也方言云駿蜩齊謂之蟪蛄楚謂之蟪蛄或謂之蜩蛄秦謂之蟪蛄然則關東謂之蟪蛄或謂之蜩蛄

亦皆蟪蛄之別名耳說苑孔子曰蟪蛄之聲猶尚存耳阮籍詩蟪蛄鳴荆棘陶潛詩日夕歡相持

吳都賦理翮整翰何遜詩無生羽翰達旨冠蓋雲浮陸機詩雙闕似雲浮楚詞歲既晏兮復孰與歸杜陽雜編隋大業九年元藏幾為過海使判官風飄至洲島間舟人云此滄洲去中國已數萬里其洲方千里花木常如二三月人多不死居所或金闕銀臺玉樓紫閣洲上有久視山有金池水石泥沙皆如金色有金莖花如蝶人皆帶之曰不帶金莖花不得到仙家藏幾淹留既久忽念中國洲人製凌風舸以送之不旬日即達東萊謝眺詩復憶滄洲趣古詩何不策高足注高上也亦謂逸足也莊子知其解者是旦暮遇之也謝靈運詩欽聖若旦暮南畝注見前

會來冬日遊覽

步出城東門試騁千里目青山橫蒼林赤日團

下字 佳 平陸渭北走邯鄲關東出函谷秦地萬方

會來朝九州牧鷄鳴咸陽中一作市冠蓋相追逐

平實悲壯古意雅辭樂府所少丞相過列侯羣公餞光祿相如

方老病獨歸茂陵宿更似不須語言。三輔黃

清明門漢元始四年東風吹屋瓦且盡即此門也漢宮殿疏曰第二門名城東門莽更曰宣德

門阮籍詩步出上東門謝靈運詩步出西掖門諸葛亮梁父吟步出齊城門觀此則知公首句

皆樂府語也赤日注見前釋名高平曰陸陸漉也水流漉而去也謝眺詩夕陰曖平陸史記景

帝紀冬以趙國為邯鄲郡漢書慎夫人從上指是慎夫人新豐道曰此走邯鄲道也水經注單

蓋也城郭從邑故加邑邯鄲之名蓋指此以立有矣謝靈運詩北眺邯鄲道戰國策注函谷關

名在弘農正義云陝州西南有洪溜澗古函谷也今屬靈寶縣漢書武帝三年東徙函谷於新

安元鼎二年楊僕請以家僮七百人築塞徙關於新安昔郭丹曰不乘駟馬高車終不出此關

即此處也文穎曰秦東關也在弘農縣外衡山嶺下史記注今陝州靈寶縣南十里秦函谷關

也水經注歷北出東崐崙通謂之函谷關也雍錄秦函谷關在唐陝州靈寶縣南深險如函故以

為名日入則閉雞鳴則開東自殽山西至潼津通名函谷漢函谷關在唐河南府新安縣東蓋

漢世楊僕移秦函谷關而立之於此也袁淑詩秦地天下樞隋薛道衡詩萬方皆集會左傳滕

侯薛侯來朝又注九州之牧貢金也北山移文馳聲九州牧史記索隱咸陽秦所都漢高更名

新城漢武更名渭城應劭曰今長安也關中記秦孝公都咸陽今渭城是始皇都咸陽今城南

大城是也山南曰陽水北亦曰陽其地在渭水之北又在九變諸山之南故名咸陽黃圖咸陽

奇字齋

在九變山渭水北山水俱在南故名咸陽雍錄
 秦咸陽在京北西徼北四十里本杜縣地至唐
 咸陽縣則在秦都之西二十里名雖襲秦非故
 處矣東都賦秦里其朔寔名咸陽鼂錯疏冠蓋
 相望古詩冠蓋自相縈職官考秦悼武王始置
 丞相官相國丞相皆秦官漢官儀云皆六國時
 官初漢置常以列侯為相百官表郎中令秦官
 漢武更名光祿勳瓚曰主郎內諸官應劭曰光
 明祿爵勳功也今公云丞相列侯餞光祿者意
 游覽所見直賦其事耳史記相如既病免家居
 茂陵前漢書注武帝自作陵也本槐里縣之茂
 鄉故曰茂陵黃圖武帝茂陵在長安城西建元
 二年初置茂陵邑十道志茂陵宣帝置武帝時
 已徙戶居之至宣帝雄為縣屬咸陽縣啗窻雜
 錄僧皎然云直用事乃第三格如王維冬
 日遊覽云相如今老病獨歸茂陵宿是也

冬夜書懷

冬宵寒且永夜漏宮中發草白靄繁霜木衰澄

清月麗服映頽顏朱燈照華髮漢家方尚少顧

影慙朝謁漢書東方朔傳以夜漏下十刻乃出

霜洛神賦沾繁霜以至曙陶潛詩菊能制頽顏

漢紀仇香曰母既若斯華髮矣傅休奕詩一別

終華髮列子顧若影則知之宋書王微書誠不

山川

華嶽

文苑英華題曰華山陝通志作華山

歌周官豫州其鎮山曰華山華山記

云山頂有池生千葉蓮華服之羽化因曰

華山山海經一名太華太華之山削成而

四方高五千仞其廣十里爾雅疏西嶽為華華之為言護也言萬物成熟可得獲也風俗通華者華也萬物滋然變華於西方也國語謂之西吳秦都咸陽以為西嶽山經云華山在弘農華陰縣西南古之敦物山也一名錢來之山

西嶽出浮雲積翠在太清連天疑黛色百里遙

青冥白日為之一作寒森沈華陰城昔聞乾坤

閉一作造一作化生巨靈右足踏方止一作左

足推削成天地忽開拆大河注東溟遂為西峙

嶽一作雄雄鎮秦京大君包覆載至德被羣生

上帝佇昭告金天思奉迎人祇望幸久何獨禪

雲亭尚書至於西嶽玄宗西嶽碑序據中土西

說文云雲山川氣也春秋元命苞觸石雲出顏

延年詩積翠亦葱菁注松柏重布曰積翠淮南

子注太清者元氣之清者也楚詞據青冥而攄

虹兮方域志華山在華州華陰縣界述征記華

山對河東首陽山黃河流於二山之間云本一

而脚跡在首陽之下水經注國語華嶽本一山

當河水過而曲行河神巨靈手盪脚踏開而為

兩今掌足之蹟仍在雲笈七籤華山高七千丈

洞周迴二千里名太極總仙之天少昊為白帝

治西嶽巨靈神手擘其上足決其下以通河流

上應井鬼之精下鎮秦地之分遁甲開山圖有

巨靈胡者徧得神元之道能開圻山川三教感

奇字齋

王集卷一

七

巨靈與元氣一時而生混沌之師九元祖也漢武帝觀仙掌於縣內特立巨靈祠焉郭璞華山贊華嶽靈峻削成四方仙掌辯云昔河自積石出於西流既越龍門坼波左旋將走東溟莊子注廣大窈冥故以溟為名席豫揚仲宣碑倚京師而西峙齊謳行百二侔秦京注關西地秦為咸陽漢為京兆故曰秦京傳玄銘天以高明崇顯而嶽配焉地以廣厚為基而嶽體焉若夫太華之為鎮也五嶽列位而存其首三條分方而處其中故能參兩儀以比德協和氣之細縕莊子吾欲觀陰陽以遂羣生董仲舒策曰羣生和而萬物殖故公詩云包覆載被羣生言嶽之神靈上與天地同體中與大君同用耳思玄賦注金天西方少昊所主也家語少昊配金文獻通考武后先天三年封華嶽為金天王順聖帝華山碑其行配金其氣直西史記無懷封泰山禪雲亭黃帝禪雲亭郡國志鉅平侯國有亭禪山即古所禪亭亭者也風俗通五帝禪于亭亭隋

書禮儀志會稽鎮雲雲山亭亭山並從祀通志亭亭山在泰安州五十里昔無懷氏封泰山禪雲雲服虔曰雲雲在梁父東山名也晉灼曰山在蒙陰縣故城東北下有雲雲亭處義封泰山禪雲雲神農封泰山禪雲雲炎帝封泰山禪雲黃帝封泰山禪亭服虔曰山在牟陰晉灼曰地理志鉅平有亭亭山祠顓帝封泰山禪雲雲帝嚳封泰山禪雲雲舜封泰山禪雲雲禹封泰山禪會稽湯封泰山禪雲雲

藍田山石門精舍唐詩紀事亦載此詩文苑英華注云集本二詩

共為一首長安志藍田山在長安縣東南三十里范子計然曰玉美出藍田一名覆車山述征記山形如覆車之象亦名玉山後魏風土記山巔方二里聖賢仙隱之處劉福鳴學道於此西又有尊盧氏塚次北有女媧氏谷雍錄驪山在周為驪戎國即奇字齋

藍田山也藍田谷即驪山之谷亦名藍田山也通志石門精舍在藍田山石門寺王摩詰嘗遊于此題云落日山水好云云是也

落日山水好漾舟信歸風玩奇一作寄不覺遠因

以緣源窮遙愛雲木秀初疑一作言路不同安一作

誰知清流轉偶與前山通此景自常有之其詩亦若思意故是佳趣

捨舟理輕策果然愜所適老僧四五人逍遙蔭

松柏朝梵林未曙夜禪山一作心更寂道心及牧

童世事問樵客暝宿長林一作井下焚香卧瑤席

澗芳襲人衣山月映石壁再尋畏迷誤明發更

登歷事語笑謝一作問桃源人花紅復來覲謝靈

運詩舍舟眺迴渚楚辭飲石泉兮蔭松柏絕交

書逾思長林楚辭瑤席兮玉璫郊居賦其芳襲

余月賦微霜沾人衣謝靈運詩石壁映初晰明

發注見四時桃花源記晉太康中武陵人捕魚

為業緣溪行忘路之遠近忽逢桃花林夾岸數

百步中無雜樹芳華鮮美落英繽紛漁人甚異

之復前行林盡水源便得一山山有小口髣髴

有光便捨舟而入初纔通人復行數十步豁然

開朗土地平曠屋舍儼然有良田美池桑竹之

奇字齋

三集卷一

四

武陵漁人黃道真汎舟泝流而入見山中桃花
 夾岸落英繽紛觀一石洞洎流中吐寒聲漱玉
 居室蟬聯池亭連貫雖男冠女服略同於外然
 所服鮮潔顏色燦然見道真甚悅遞邀至家為
 具酒問今所歷代道真具以實告衆皆歎曰何
 人世之多遷貿也道真辭出他日復尋花源之
 路乃迷不復見矣商璠云維詩詞秀調雅意新
 理愜一字一句皆出常境至如落日山水好漾
 舟信歸風又澗芳襲人衣山
 月映石壁詎肯慚於古人也

崔濮陽兄季重前山興

公自注山西去亦對維門唐書蘇源

明出為東平太守議廢濟陽析五縣分隸
 濟南東平濮陽詔河南採訪會濮陽太守
 崔季重議於東平不能決戰國策注濮陽
 縣屬東郡春秋時帝丘也西漢地理志濮
 陽衛成公自楚丘徙此故帝丘顓頊墟莽
 曰治亭水經注濮水逕其南故曰濮陽也

沛公守濮陽環之以水是也宋書州郡志
 南濮陽太守屬兗州晉武帝咸寧三年封
 子允有濮陽縣故曰濮陽國唐書地理志
 濮陽緊武德四年置輿地考濮州春秋戰
 國為衛都後為宋所侵秦城濮陽置東郡
 二漢屬東郡濟陰晉分置濮陽國後魏後
 周因之隋初郡廢置濮陽以其地入東郡
 東北濟北三郡唐復置濮州或為濮陽郡
 屬河南道

秋色有佳興况君池上閒悠悠西林下自識門

前山又別又別千里橫黛色數峯出雲間嵯峨

對秦國合沓藏荆關殘雨斜日照夕嵐飛鳥還

故人今尚爾歎息此頽顏陶潛詩秋菊有佳色
 陸機詩崇山鬱嵯峨

早雲賦遂積聚而合杳謝眺詩合杳與雲齊埤
蒼嵐山風也謝靈運詩夕曛嵐氣陰管子夫鳥
之飛必還山集谷也陶潛詞鳥倦飛而知
還謝眺詩故人心尚爾顏顏注見四時

石處士山居劉校本作李處士山居

君子盈天階小人甘自免方隨鍊金客林上家

絕巘背嶺花未開入雲樹深淺清書猶自眠山

鳥時一轉楚辭攀天階而下視東京賦登聖皇

金丹鍊人身體妙解錄學鍊金液皆望長生不

死爾雅山上濶下小曰巘毛萇詩傳巘小山別

大山也釋名小山別大山曰巘注巘音
彥七命於是登絕巘注絕巘高山也

青溪文苑英華劉校本並題云過青溪水

青溪俱發源馬盤山南流入壻水河由此
篇及次篇觀之則知黃花青溪地本相鄰
況鳳縣之黃花城固之青溪俱隸
漢中則青溪之出漢中可知矣

言入黃花川每逐青溪水隨山將萬轉趣途無

百里聲喧亂石中色靜深松裏漾漾一作演漾汎菱

荇澄澄映葭葦我心素已閒清川一作明澹如此

請留盤一作磐石上垂釣將已矣水經注大散水

志黃花川在鳳縣東北一十里唐黃花縣以此
名說文菱芰也楚謂之芰秦謂之薹若周禮邊

人菱芰也武陵記兩角曰菱爾雅疏荇菜一名
接余其葉符郭璞注藜生水中葉圓在莖端長

短隨水深淺江東食之亦呼為荇詩參差荇菜
荇與荇同陸機疏云接余白莖葉紫赤色正圓

奇字齋

三集卷一

十一

莖寸餘大如釵股山居賦如水草則絕荇菱蓮
 毛詩蒹葭蒼蒼八月萑葦爾雅疏葦即蘆之成
 者其類皆有芳莠也水經注盤石即太公垂釣
 之所楚辭已矣哉注絕望之詞也謝眺詩心事
 方已矣按文粹田游巖詩序云贈答弘農青巖
 曲有盤石方坐宋十一每拂拭待余寄詩贈之
 云信彼稱靈石居然狎遁樓及讀宋集亦有敬
 答田徵君云家臨清溪水溪水繞盤石則知清
 溪舊有盤石故
 公落句及之

自大散以往深林密竹蹬道盤曲四五十

里至黃牛嶺見黃花川水經注大散水西

志大散源在鳳縣東界大散嶺後漢書注
 在陳倉縣南十里有散谷水抱朴子老子
 西遊遇尹喜於散關唐書帝紀党項羗寇
 寶雞焚大散關即其地也方輿勝覽大散

關在梁泉縣為秦蜀要路通志大散關在
 寶雞縣城南通褒斜大路屬漢中府又云

黃牛山在漢中府西南
 五十里黃花川注見前

危徑幾萬轉數里將三休迴環見徒侶隱映隔

林丘颯颯松上雨潺潺石中流靜言深溪裏長

嘯高山頭望見南山陽白露靄悠悠青臯麗已

淨綠樹鬱如浮曾是厭蒙密曠然消人憂國語楚王

誇客以章華之臺登之三休劉孝綽詩出入三
 休臺毛詩靜言思之西京雜記東方生每曼聲

長嘯神境記靈隱山聞林谷間有長嘯者楚辭
 臨深水而長嘯古辭高山山頭危陸機猛虎行

靜言幽谷底長嘯高山山岑故公對法倣此五經
 要義終南山長安南山也周之名山在長安之

奇字齋

三集卷一

七

南括地志南山即終南山一名太乙一名橘山一名周南一名地肺橫亘關中面南西起秦隴東徹藍田凡八百里連據藍田咸寧長安盩屋之境地理志南山在岐山縣南五十里即終南山連亘扶風鄠縣長安藍田縣界西界大散關蓋南山與大散最近故公云望見南山陽也江淹賦或植蔬圃之蒙密范曄詩遵渚攀蒙密養生論曠然無憂思

宮闕

扶南曲歌詞五首

樂府詩集題云新樂府辭按唐書禮樂志云天

寶樂曲皆以邊地名自河西至者有扶南樂舞南蠻傳扶南在日南之南通典武德初因隋舊制奏九部樂四曰扶南煬帝平林邑獲扶南工人及其匏瑟琴陋不可用但以天空樂傳寫其聲意即此曲也

翠羽流蘇帳春眠曙不開羞從面色起嬌逐語

聲來早向昭陽殿君王中使催洞冥記翠羽鱗

詩明珠翠羽帳子虛賦注流蘇者緝鳥尾而垂之若流然以其藥下垂故曰蘇今俗亦謂絲頭

藥為蘇吳都賦注流蘇者五色羽飾帷而垂之也宋書五行志桓玄四角金龍銜五色羽葆流

蘇海錄碎事盤線繪繡之毬五綵錯為之同心而下垂者曰流蘇丹鉛餘錄倦游錄述流蘇之

制但云五綵同心而下垂者莫能言其始黃公紹書林亦止引晉書割流蘇為馬幟皆後世幃

帳間所懸耳古者流蘇蓋樂器之節前漢書注作流遡周禮注後世合宮懸用之而有流蘇之

飾樂器而用以為幃帳之懸則自晉以後始也王罔詩綺席流蘇帳西京雜記趙飛鸞居昭陽

殿中庭彤朱而殿上丹漆砌皆銅沓黃金塗白玉階壁帶往往為黃金缸含藍田璧明珠翠羽

飾之上設九金龍皆銜九子金鈴五色流蘇帶以綠文紫綬金銀花鐻每好風日幡旒光影照耀一殿鈴鐻之聲驚動左右雜薰諸香餘香百皆刻作龍蛇紫繞其間鱗甲分明見者莫不兢慄漢書張讓傳凡詔所徵求皆令西園騶密約號曰中使吳志朱然寢疾中使醫藥口食之物相望於道沈約齊王碑注天子私使曰中使

堂上青絃動堂前綺席陳齊歌盧女曲雙舞洛

陽人傾國徒相看寧知心所親用得別鮑昭樂府當戶弄青

絃酒賦綃綺為席陰鏗詩佳人遍綺席樂志魏武帝宮人有盧女者故冠軍將軍應叔之姊也七歲入漢宮學鼓琴善為新聲能傳此曲盧女至明帝崩後放出嫁為尹更生之妻白苧辭歌洛陽少童邯鄲女催絃急管為君

香氣傳空滿粧華影箔通歌聞天仗外舞出御

樓中日暮歸何處花間長樂宮三秦記明光宮以金玉珠璣為

箔樂府詩集睦州歌第三云香風傳空滿粧花映薄紅歌聲天仗外舞態御樓中觀郭獨取公四句入樂府且更影箔通為映薄紅更聞為聲更出為態意取音律相協耳唐書儀衛志凡朝會之仗三衛番上分為五仗皆帶刀促仗列於東西廊下每日以四十二人立內廊閣門號曰內仗天子出則有細仗黃麾仗唐輦下歲時記元日御樓御殿金吾爆稍前引史記叔孫通傳長樂宮成諸侯羣臣皆朝十月前漢高帝紀徙諸侯於關中治長樂宮關中記長樂本秦之興樂也漢太后常居之三輔黃圖長樂宮本秦之興樂宮也高皇帝始居櫟陽七年長樂宮成徙居長安城三輔舊事宮殿疏皆曰興樂宮秦始皇造漢修飾之周迴二十里前殿東西四十九奇字齋

丈七尺兩杼中三十五丈深十二丈高帝居此宮後太后常居之王莽改為長樂室近東直杜門長安志長樂宮在長安縣西北十五里玉海云元和志長樂宮在長安縣西北十五里玉海云隋唐亦有長樂宮隋志京兆大興縣有長樂宮唐在萬年縣

宮女還金屋將眠復畏明入春輕衣好半夜薄

妝成拂曙朝前殿玉墀多珮聲漢武帝故事武帝為膠東王年

數歲長公主抱問曰兒欲得婦否曰欲得指女阿嬌好否笑曰若得阿嬌當以金屋貯之神女賦被服佻薄妝美人賦來脫薄妝梁統詩猶言

妝未成黃圖營未央宮因龍首山以制前殿至孝武以木蘭為焚燎文杏為梁金鋪玉戶華棖

碧璫雕楹玉碣重軒鏤檻青瑣丹墀黃金為壁帶間以和氏珍玉風至其聲玲瓏然也長安志王莽改前殿曰王路堂漢官儀注武帝於甘泉

宮更置前殿黃圖長樂宮前殿東西四十九丈七尺西杼中二十五丈深十二丈則知甘泉長樂亦有前殿也西京雜記昭陽殿織珠為簾風至則鳴如珣珮之聲

朝日照綺牕佳人坐臨鏡散黛恨猶輕插釵嫌未正同心忽遽遊幸待春粧竟古詩交疏結綺牕鮑昭詩照我

綺牕前梁統詩散黛隨眉廣簡文帝詩因羞疆正釵沈約詩開鏡比春粧

早朝劉校本此詩與五律早朝一首並錄或公一時所作

皎潔明星高蒼茫遠天曙槐霧暗一作不開城

鴉鳴稍去始聞高閣聲莫辨更衣處銀燭已成

行金一作門儼駟馭也何遜詩槐霧曉氛氳思

奇字齋

三集卷一

玄賦踰高閣之將將注高閣星名東方朔傳後
 迺私置更衣注為休息易衣之處斑固傳稍自
 引起更衣楊敞傳延年起至更衣漢紀更衣者
 帝王入廟之便殿也晉灼曰更衣中謂朝賀易
 衣服處後漢帝紀注更衣者非正處也寢側之
 別殿即更衣也容齋四筆雅志堂後小室名之
 曰更衣因錄斑史語灌夫傳坐乃起更衣以其
 寒煖或變也田延年起至更衣顏師古注古者
 延賓必有更衣之處衛皇后傳帝起更衣子夫
 侍尚衣升菴詩話穆天子傳天子之寶璿珠燭
 銀郭璞曰銀有精光如燭也梁簡文詩燭銀踰
 漢女寶鐸邁昆吾江總貞女峽賦含照曜之燭
 銀泝潺湲之膏玉唐人詩用銀燭字本此江總
 詩挂纓銀燭下史記金馬門者宮署門也門傍
 有銅馬故謂之金馬門東漢書孝武皇帝時善
 相馬者東門京鑄作銅馬法獻之有詔立馬於
 魯班門外則更名魯班門曰金馬門

田廬

瓜園詩

并序

維瓜園高齋俯視南山形勝二三時輩同

賦是詩兼命詞英數公同用園字為韻韻

任多少時太子司議郎薛璩發此題遂同

諸公云

按薛璩荆南人官至太子司議郎

亦爾自傷不早達唐詩紀事云璩開元中

流外官共見宰執訢之遂罷又云璩自永

樂主簿陟縣丞復選宰陟縣劉長卿高適
 俱有詩贈寄又云璩與王摩詰杜子美最
 善子美有喜薛三璩授司議郎詩又有寄

薛三郎
中詩云

余適欲鋤瓜倚鋤聽扣門鳴騶導驄馬常從夾

朱軒窮巷正傳呼故人儻相存攜手追涼風放

心望乾坤藹藹帝王州宮觀一何繁林端出綺

道殿頂播華幡素懷在青山若值白雲屯迴風

城西雨返景原上村前酌盈樽酒往往聞清言

黃鸝轉深木朱槿照中園猶羨松下客石上聞

清猿後漢書郭祚遷尚書右僕射故事令僕中丞騶唱而入宮門後魏志朱仲達在軍鳴

驄北山移文鳴騶入谷漢書桓典為御史常乘驄馬尚書大傳未命為士不得朱軒鄭玄曰軒

輿也士以朱飾之恨賦朱軒繡軸顏延年詩注

輶車朱軒使者之車也戰國策蘇秦特窮巷掘

門漢紀陳平家乃負郭窮巷陶潛詩窮巷隔深

轍漢書王仲翁出入蒼頭盧兒傳呼甚寵注傳

聲而呼從者甚有尊寵也庾信詩傳呼擁絳節

又詩故人儻書劄謝靈運詩金陵帝王州陸機

詩佳人一何繁謝靈運詩巖高白雲屯謝混詩

白雲屯層阿楚辭悲迴風之搖蕙兮阮籍詩迴

風吹四壁四時纂要西落光返照於東謂之返

景劉孝綽詩返景入池林毛詩旨酒盈尊歸去

來辭有酒盈尊謝眺詩賴此盈尊酒晉中興書

王濛特善清言黃鸝注見四時羅浮山記木槿

一名赤槿華甚丹四時敷榮南方草木狀朱槿

花莖葉皆如桑葉光而厚樹高止四五尺而枝

葉婆娑自三月開花至中冬即歇其花深紅色

五出大如蜀葵有藥一條長於花葉上綴金屑

日光所爍疑若焰生一藜之上日開數百朵朝

開幕落插枝即活出高涼郡陶潛詩有務中園

奇字齋

王集卷二

三

何鑑

同盧拾遺過韋一作給事東山別業二十

韻給事首春休沐維已陪遊及乎是行亦

預聞命會無車馬不果斯諾按盧拾遺盧

韋嗣立子恒也東山別業即嗣立所居驪

山舊第也唐書藝文志盧象字緯卿汶水

人初為左拾遺膳部員外郎為祿山偽官

貶永州司戶左叅軍韋思謙傳嗣立字延

構營別第驪山鸚鵡谷帝臨幸命從官賦

詩制序冠篇因封嗣立逍遙公名所居曰

清虛原幽棲谷又云子恒擢殿中侍御史

累轉給事中觀此則東山別業為嗣立所

期而後為給事所居者又讀張說東山記

略曰兵部尚書同中書門下三品修文館

大學士韋公之曲有別業焉石潭竹岸松

齋藥畹虹泉電射雲木虛吟茲所謂丘壑

夔龍衣冠巢許幸溫泉之歲皇上聞而賞

之廼命掌舍設轡金吾劃次太官載酒奉

常抱樂停輿輦於青靄佇翬禴於紫氣百

神朝於谷口千官飲乎池上緹騎環山朱

奇字齋

三集卷二

三

何鈴

託身侍雲陞昧旦一作趨華軒遂陪鸚鴻侶霄

漢同飛翻君子垂惠顧期我於田園側聞景龍

際親降南面尊萬乘駐山外順風祈一言高陽

多夔龍荆山積嶼嶓盛德啓前烈大賢鍾後昆

奇字齋

三集卷二

三

侍郎文昌宮給事東掖垣謁帝俱來下冠蓋盈
 丘樊閨風首邦族庭訓延鄉村采地包山河樹
 井竟川原巖端迴綺檻谷口開朱門階下羣峯
 首雲中瀑水源鳴玉滿春山列筵先朝暎會舞
 何颯踏擊鐘彌朝昏是時陽和節清晝猶未暄
 藹藹樹色深嚶嚶鳥聲繁顧已負宿諾延頸慙
 芳蓀蹇步守窮巷高駕難攀援素是獨往客脫
 冠情彌敦洞簫賦託身軀於厚土兮謝靈運詩託身青雲上七略慟興雲陛注天子
殿陛也謝眺詩十載朝雲陛左傳讒鼎之銘曰昧旦丕顯毛詩女曰昧旦恨賦昧旦神興顏延

年詩戒途在昧旦漢書劉向傳王氏乘朱輪華軒左思詩許史乘華軒韋絢傳上官儀曰接武夔龍造羽鶴鷺謝靈運詩照灼爛霄漢左傳昭公曰君惠顧先君之好鄭伯曰惠顧前好唐書帝紀中宗大赦天下改元為景龍十二月庚子幸兵部尚書韋嗣立莊故云降南面駐萬乘也禮記聖人南面而聽天下戰國策藍諸君曰齊疆萬乘之國莊子黃帝順下風膝行左傳昔高陽氏有才子八人尚書注夔龍二臣名韓子楚人和氏得玉璞於荆山之中曹植書家家自謂抱荆山之玉棗據詩予非荆山璞左傳注璵璠美玉君所佩也魏文帝書云魯之璵璠是也逸論語璠璵魯之寶玉也曹植詩亮懷璵璠美尚書俾克紹前烈幽通賦懿前烈之純淑尚書垂裕後昆任昉序取則後昆言前有思謙後有恒也漢官儀尚書郎初從三署郎選先試牋奏初入臺稱郎中滿歲稱侍郎按嗣立代承慶為鳳閣舍人黃門侍郎又宇文融薦恒有經濟才侍奇字齋

御史累轉給事中故公並舉侍郎給事之事美
之則知韋氏有高陽世濟之美矣史記天官書
斗魁戴巨六星曰文昌宮文耀鉤云文昌宮為
天府孝經援神契云文者精所聚昌者揚天紀
故曰文昌宮荀綽云尚書是謂文昌天府也又
云太微宮垣十里東垣北上相名左掖門西垣
北上將名右掖門長安志宣政殿東有東上閣
門西有西上閣門故以掖稱李尋傳注太微宮
垣也西垣為上將東垣為上相權德輿傳左右
掖垣承天子誥命禁中有東西兩掖垣乃禁墻
也曹植詩謁帝承明廬冠蓋注見四時月賦長
自丘樊毛詩復我邦族陸機詩借問邦族間謝
靈運詩鄉村絕聞見周禮注采地采食者其制
三等百里五十里二十五里又注畿內三等采
地家邑大夫之采地小都卿之采地大都公之
采地前漢刑法志注因官食地故曰采地韓詩
外傳古者天子為諸侯受封謂之采地方言注
古者卿大夫有采地死葬之因名也陶潛詩白

何鑑

雲宿巖端楊子谷口鄭子真耕於巖石之下十
洲記藏養生而侍朱門矣郭景純詩朱門何足
榮謝靈運詩遂登羣峯首長安志韋嗣立構別
廬於驪山有重崖洞壑飛流瀑水故詩云羣峯
瀑水也國語趙簡子鳴玉以相禮記君子行則
鳴佩玉釋詁鳴玉以步謝靈運詩晚見朝日暎
樂府珠履颯香袂袖飛左傳鄭伯有夜飲酒擊
鐘毛詩鳥鳴嚶嚶爾雅疏云嚶嚶兩鳥鳴謝宣
遠詩嚶嚶悅同響論語子路無宿諾列子延頸
承刃呂氏春秋天下皆延頸舉踵矣漢書竇武
傳莫不延頸企踵說文蓀香草生漢側王逸詩
階下采芳蓀窮巷注見前首王僧達詩君子聳
高駕劉孝綽詩高駕何由來莊子要略江海之
士山谷之人輕天地細萬物而獨往者也司馬
彪曰獨往任自然宋書隱逸傳夫獨往之人皆
稟偏介之性郊居賦實有心於獨往謝靈運詩
且申獨
往意
奇字齋

奇字齋

王集卷二

三五

渭川文苑英華作水田家

斜光一作陽照墟落窮巷牛羊歸野老念牧童倚

仗候荆扉雉雒麥苗秀蠶眠桑葉稀田夫荷鋤

至一作立相見語依依即此羨閒逸悵然吟一作歌

式微晉語吾鼎不當生墟落范雲詩軒蓋照墟

一株常倚杖相對陶潛詩荆扉晝常閉射雉賦

宿麥盈野野雉羣雉顏氏家訓詩云雉之朝雉

尚求其雌鄭玄注月令亦云鳩雌雉鳴潘岳賦

雉鷺鷥以朝雉是則混雜其雌雄矣蠶賦三俯

三起注俯為卧而不食乃眠也齊民要術養蠶

法比至在眠常須三箔上箔上安蠶上下空置

陸佃曰蠶三俯三起二七日而老謂之紅蠶

爾雅翼俯謂之眠亦有四眠者既老將績其口

含絲陶潛詩帶月荷鋤歸蘇武詩思心常依依

毛詩序云式微黎侯寓於衛其臣勸以歸也然

則以君被逐既微又見卑賤是至微也不取式

為義故鄭云發聲也爾雅式微式微者微乎微

者也曹植賦歌式微以誰歸又詩處者歌式微

春中田園作史記秦本紀時在春中注正義作仲

屋上春鳩鳴村邊杏花白好持斧伐遠楊荷鋤

覘泉脈歸一作新燕識故巢舊一作故人看新曆臨

觴忽不御惆悵遠行一作思遠客卷耳之後得此吟

有態禮記鳴鳩拂其羽曹植詩春鳩鳴飛棟

崔寔月令清明節令杏花盛毛詩取彼斧戕以

伐遠揚陶潛詩帶月荷鋤歸短歌行臨觴歡不

足別賦掩金觴而誰御毛萇詩傳御進也古詩

奇字齋

王集卷二

何朝忠

忽如遠
行客

林園卽事寄舍弟統

公次荆
州時作

寓目一蕭散消憂冀俄頃青草肅澄陂白雲移

翠嶺後沔通河渭前山包鄢郢松含風裏聲花

對池中影地多齊后瘠人帶荆州瘿徒思赤筆

書詎有丹砂井心悲常欲絕髮亂不能整青簞

日何長閒門晝方靜頽思茅簷下彌傷好風景

左傳得臣寓目吳都賦注憑軾而觀曰寓目殷

仲文詩蕭散得遺慮王粲賦聊暇日以銷憂公

羊傳注俄者須臾之間也家語注俄有頃也江

賦千里俄頃謝靈運詩恒充俄頃用說文沔水

出武都沮縣如淳曰此方人謂漢水為沔水故

孔安國曰漾水東流為沔蓋與沔合也劉孝威

詩似覺前山來水經鄢郢故都子之國秦楚之

間自商密遷此為楚附庸楚滅之為邑縣南臨

沔津戰國策注楚昭王又自郢都都與鄢為五

史多言鄢郢又鄢郢者楚之柱國也漢紀所謂

白起為秦南拔鄢郢是也徐廣曰鄢郢今南郡

宜城水經注秦平鄢郢立以為縣列女傳齊閔

王后項有大瘤號曰宿瘤初齊王出遊百姓盡

觀宿瘤採桑如故王命後車載之奉禮往聘之

以為后晉書羊祜舉杜預自代祜卒拜鎮南大

將軍都督諸軍事預至鎮乃請伐吳之期初攻

江陵吳人知預瘿憚其智計以瓠繫狗頭示之

每大樹似瘿輒斫使白題曰杜預瘿及城平盡

捕殺之渚宮舊事杜元凱為晉荊州刺史攻江

陵城城上人以胡蘆繫狗頸抱狗示之元凱病

瘿故也說文瘿頸瘤也博物志山居之民多瘿
腫疾由於飲泉之不流者今荆南諸山郡東多
奇字瘿

此疾漢官儀尚書令僕射郎月給赤管大筆一
雙抱朴子余亡祖鴻臚少時曾為臨沅令云此
縣廖氏家世壽疑其井水殊赤乃試掘井得古
人埋丹砂數十斛又云武陵舞陽有丹砂井

休假還舊業便使

劉校本云唐選作盧象詩唐詩紀事亦作象詩

題曰象自江東止園田移莊慶會未幾歸汶上小弟幼妹尤悲其別賦詩云云并後別弟妹詩二共收作三首合璧事類仍作公詩漢書注古者名吏休假曰告唐大詔今天寶五年五月許百官旬節休假不入朝詔云五日休澣義在優閒

謝病始告歸依依入桑梓家人皆佇立相候衡
門裏時輩皆長年成人舊童子上堂嘉慶畢顧
與姻親齒論舊忽餘悲目存且相喜田園轉蕪

沒但有寒泉水衰柳日蕭條秋光清邑里入門
乍如客休騎非便止中飯顧王程離憂從此始

史記絳侯謝病始免拜漢書王吉言乃謝病歸

史記索隱韋昭云告請歸乞假也戰國策商君

告歸延篤以為今之歸寧也後漢書注漢律令

二千石有予告有賜告予告者有功最法所當

得者也賜告者病滿三月當免天子優賜其告

帶印綬將官屬歸家治疾也今公詩云謝病告

歸謂之賜告也毛詩維桑與梓溫叟詩話若維

桑與梓必恭敬止謂桑梓人賴其用故養而成

之莫肯凌踐則恭敬之道父子相與豈特如人

之親桑梓今乃言父母之邦者必稱桑梓非也

周易家人嘻嘻毛詩佇立以泣石崇詩佇立以

屏營衡門注見四時韻語陽秋唐人與親別而

復歸謂之拜家慶盧象詩云上堂家慶畢顧與

親恩邇孟浩然詩云明朝拜家慶須着老萊衣

餘冬錄按顏延年詠秋胡已有上堂拜嘉慶句
 此語宋時已然孟蓋用宋語或疑嘉家字不同
 王維詩云上堂嘉慶畢維與浩然同時而維詩
 依顏嘉字則作嘉為是歸去來辭田園荒蕪胡
 不歸周易井列寒泉謝眺詩衰柳尚沉沉鷓冠
 子士之邑里謝眺詩邑里向疏蕪東門行行子
 夜中飯老圃亭愚管記唐人集中所稱王程最
 多祖詠云王程江水流皇甫冉云王程無地遠
 高適云王程應未盡岑參云王程苦相仍錢起
 云歸思緩王程儲光羲云鄙夫念王程孫逖去
 王程倘未復劉長卿云迢遞客王程張籍云王
 程不假催此天寶大曆間語謝靈運詩江上徒
 離
 憂

過李揖宅

舊唐書房瑄與子儀光弼計會
 進兵瑄自選參佐乃以民部侍
 郎李揖為行軍司馬瑄之出師戎務一委
 於揖會北海太守賀蘭進明奏上曰瑄但

濶里

與庶子劉秩諫議李揖等高談虛
 論說釋氏因果老子虛無而已

閉門秋草色終日無車馬客來深巷中犬吠寒

林下散髮時未簪道書行尚把與我同心人樂

道安貧者一罷宜城酌還歸洛陽社

鍾會賦散
 髮抽簪易

繫辭二人同心文子樂道而忘賤安德而忘貧
 漢紀韋彪安貧樂道晉書杜夷安貧樂道陶潛
 詩安貧守賤者後漢地理志宜城縣故鄢惠帝
 三年更名舊唐志宜城漢縣屬南郡後魏改為
 宜城郡地道記宜城縣出美酒隨歲貢上酒賦
 酒有宜城梁統詩宜城溢渠椀梁烏棲曲宜城
 投酒今應熟水經注洛陽北則白社故里也西
 征記洛陽建春門外有白社董威輦所住吳筠
 詩寓居
 洛陽社
 奇字齋

偶然作六首

楚國有狂夫茫然無心想散髮不冠帶行歌南陌上孔丘與之言仁義莫能獎未嘗肯問天何事須擊壤復笑採薇人胡為乃長往論語正義接輿楚人姓陸名通字接輿佯狂不仕時人謂之楚狂也列仙傳陸通者云楚狂接輿人也江淹上書接輿之賢行歌而志歸列子子貢茫然自失論語孔子下欲與之言楚辭序天問者屈原之所作也擊壤注見四時史記伯夷叔齊采薇而食之索隱曰薇蕨也爾雅云薇檠也長往注見前

何應貞

田舍有老翁垂白衡門裏有時農事閒斗酒呼鄰里喧聒茅簷下或坐或復起短褐不為薄園葵固足美動則長子孫不會向城市五帝與三王古來稱天一作子干戈將揖讓畢竟何者是得意苟為樂野田方足鄙且當放懷一作志去行

行沒餘齒宋書田舍翁得此以為過矣前漢書杜業傳注垂白者言白髮下垂也左

思賦星星白髮生於鬢垂謝靈運詩星星白髮垂陶潛詩斗酒聚比鄰又潛詩養直茅簷下禮記坐之起之戰國策鄰有短褐列子衣則短褐史記注徐廣曰一作短小襦也音豎趙岐曰褐

以毛毳織之若馬衣或以褐編衣也齊民要術陳思王曰寒者不貪尺玉而思短褐方言襜褕

自關以西謂之短褌短褐亦曰短褐劉子傳衣不短褐淮南子注楚人謂袍為短褐又云麤衣

又弊布襦也又檐褕短者謂之短褌荀子作豎褐注童豎之褐漢書貢禹上書曰短褌不完師

奇字齋

王集卷二

三

古曰短褐謂童豎所着布長襦也索隱曰短亦音豎豎褐謂褐衣而豎裁之以其省而便事也
 史記公儀休與魯相食茹而美拔其園葵而棄
 古詩青青園中葵陶潛詩好味止園葵莊子三
 王五帝者五土也風俗通易傳禮記春秋國語太
 史公記黃帝顓頊帝嚳帝堯帝舜是五帝也禮
 號謚記說夏禹殷湯周武是三王也莊子天之
 所助謂之天子又云堯舜之揖讓湯武之干戈
 漢書蕭望之傳注沒齒終身也漢摯峻書徒欲
 偃仰從容以送餘齒耳白首言白髮下世也
 晉書隱逸傳乞還餘齒

日夕見太行沈吟未能去問君何以然世網嬰
 我故小妹日成長兄弟未有娶家貧祿既薄儲
 蓄非有素幾迴欲奮飛踟躕復相顧孫登長嘯

臺松竹有遺處相去詎幾許故人在中路愛染
 日已薄禪寂日已固忽呼吾將行寧俟歲云暮

山海經太行山在河內野王縣西北地理志山
 勢繞亘數千里雖各因地立名其實皆名太行
 禹貢太行恒山至于碣石蓋相接也史記正義
 在懷州河內北二十五里苦寒行北上太行山
 謝靈運詩四顧太行山三國志龐統曰若沉吟
 不去必致大困謝靈運詩沉吟為爾感郊居賦
 陸興言於世網陸機詩世網嬰我身莊子為之
 四顧為之躊躕晉書阮籍嘗於蘇門山遇孫登
 與商略終古及棲神導氣之術登皆不應籍因
 長嘯而進至半嶺聞有聲皆鸞鳳之音響乎山
 谷乃登之嘯也臧榮緒晉書孫登常登宜陽山
 作炭人見之與語登不應作炭者見其精神非
 常咸共傳說太祖聞之使阮籍往觀與語亦不
 應籍因大嘯登嘯曰復作向聲又為嘯求與俱
 奇字齋

出登不肯上峯行且嘯如簫韶笙簧之音籍怪而問作炭人作炭人曰固是向人聲按孫綽高士傳言在蘇門山又別作登傳孫盛魏春秋亦言在蘇門山又不列姓名阮嗣宗感之著大人先生論地理志嘯臺在百門山即孫登隱居長嘯之所方輿勝覽長嘯臺在梓州富義門外號孫登嘯臺養生論中路復廢江淹詩零落在中路大寶積經文殊利言天子若有菩薩行於愛染為化愛染諸衆生故而亦不共是愛染住名名菩薩久行首楞嚴經心生愛染維摩經一心禪寂傳燈錄太子雲曰山中有一石窟師可禪寂於此否毛詩歲聿云莫盧諶詩忽忽歲云莫陶潛詩婁厲歲云莫

陶潛任天真其性頗耽酒自從棄官來家貧不能
有九月九日時菊花空滿手中心竊自思儻

有人送否白衣攜壺觴果來遺老叟且喜得斟

酌安問升與斗但可從此止奮衣野田中今日嗟無

有一作負兀傲迷東西簞笠不能守傾倒彊行行

酣歌歸五柳生事不曾問肯媿家中帚一作婦

潛傳淵明性嗜酒而家貧不能恒得為彭澤令會郡道督郵至縣吏請曰應束帶見之潛歎曰我豈能為五斗米折腰向鄉里小兒即日解綬去職陶潛詩子雲性嗜酒家貧不能自魏文帝書歲往月來忽復九月九日晉陽秋陶潛九日無酒出宅邊菊叢中坐久之望見白衣人來乃刺史王弘送酒即便就酌取醉而後歸陶潛詩有酒斟酌之禮記奮衣由右疏曰振其衣以去塵從右邊升上世說新語陳元方遭父喪竊以錦被蒙上郭林宗弔而見之奮衣而出北史奇字齋

劉延明遂奮衣坐陶潛詩兀傲差若穎毛詩注
 簞笠所以備雨越語譬如簞笠時雨既至必求
 之釋詢簞笠並載晉書陶潛傳五柳先生不知
 何許人也宅邊有五柳樹因以為號焉北史馮
 偉不問生事東觀漢記家有弊帚云云斯不自見之
 文帝典論里語曰家有弊帚云云斯不自見之
 患也

趙女彈箜篌復能邯鄲舞夫婿輕薄兒鬪雞事
 齊主黃金買歌笑用錢不復數許史相經過高
 門盈四牡客舍有儒生昂藏出鄒魯讀書三十
 年腰下一作無尺組被服聖人教一生自窮苦
 史記李斯曰趙女不立於側南都賦於是齊僮
 倡兮列趙女楊惲書婦趙女也史記武帝始用

樂舞作二十五弦及空侯瑟自此起徐廣曰武
 帝令樂人侯調始作聲均均然命曰箜篌侯其
 姓也風俗通一名坎侯言其坎坎應節奏也侯
 以姓冠章耳釋名箜篌此師延所作後出於桑
 間濮上之地蓋空國之侯所存也搜神記晉永
 嘉中兗州樊道基有姬能彈箜篌聞人歌弦輒
 起舞史記呂不韋取邯鄲諸姬絕好善舞者與
 居索隱曰呂不韋姬邯鄲女也善歌舞陸厥詩
 趙女擗鳴琴邯鄲紛躡步前漢書江充邯鄲人
 有女弟善鼓琴歌舞通典邯鄲趙國所都自敬
 侯始邯山名鄲盡也邯鄲舞曲也梁元帝詩夫
 婿芙蓉姿漢書光武曰輕薄兒誤之沈約詩長
 安輕薄兒鄴都故事魏明帝泰和中築鬪雞臺
 趙王石虎亦以芥羽漆砂鬪雞於此故曹植詩
 鬪雞東郊道李白詩鬪雞事萬乘句正相合白
 紵歌千金顧笑買芳年古詩一笑雙白壁再顧
 千黃金漢書蓋寬饒曰上無許史之屬向日許
 皇后父廣漢為平恩侯史良娣兄恭為樂陵侯
 奇字齋

李相經過漢書于定國父于公其里門間壞父

老方共治之于公曰少高大令容駟馬高蓋我

治獄多陰德子孫必與故人為之語曰于公高

門以待封東漢書孔融曰東海于公僅有一節

猶或戒鄉人侈其門閭矧乃鄭公之德而無四

壯之路可開廣門衢令容高車毛詩注四牡車

之四馬也列子魯有儒生漢書叔孫通曰弟子

儒生鮑照詩南國有儒生南史高昂字敖曹其

父以其昂藏敖曹故以名字之史記鄒魯俗好

儒漢書韋賢魯國鄒人號鄒魯大儒魏志諸葛

瑾被服居處有如儒生曹植詩被服麗且鮮

老來嬾賦詩惟有老相隨宿世一作謬詞客前

身應畫師不能捨餘習偶被世一作人知名字

本皆是此心還不知唐朝名畫錄摩詰畫山水

松石縱似吳生而風致標

格特出嘗自題詩云當世謬詞客前身應畫師

其自負也如此唐詩紀事維善畫破墨山水嘗

自制曰當代謬詞客云云白氏長慶集房傳往

世為禪客王道前生應畫師注王右丞相詩云

應製

奉和聖製登降聖觀與宰臣同望應制

長安

志驪山宮圖降聖觀在山城門內號國莊

在其東飲鹿槽在其西又云七載改新豐

為會昌縣明年十月老君置於朝元閣而

於其處立降聖觀觀此觀在會昌山之上

即驪山也當時儲光羲有述降聖觀詩及

鳳宸朝碧落龍圖耀金鏡維嶽降二臣戴天臨

萬姓山川八校滿井邑三農竟比屋皆可封誰

家不相慶林疏遠村出野曠寒山靜帝城雲裏

深渭水天邊映喜一作嘉氣含風景頌聲溢歌詠

端拱能任賢彌彰聖君聖禮記天子負斧依南

以絳為質高八尺東西當戶牖之間繡為斧文

爾雅牖戶之間謂之扆按觀禮云天子設斧依

於戶牖之間鄭注云依如今綈素屏風也有繡

斧文所以示威也斧謂之黼是也今謂之鳳扆

或畫鳳於扆也度人經道言昔於始青天中碧

落空歌注東方第一天有碧霞遍滿是云碧落

道書老君於東極碧落之天浮黎之國春秋演

孔圖有人卯金刀握天鏡洛書曰秦失金鏡鄭

玄曰金鏡喻明道也廣絕交論聖人握金鏡按

唐有金鏡書一卷一名金鏡述宣宗出金鏡書

曰此太宗所著也以和聖製故舉言之毛詩維

嶽降神生甫及申注二臣甫侯申伯尚書萬姓

悅服漢書奉承祖宗於萬姓百官表中壘校尉

掌北軍屯騎校尉掌騎士步兵校尉掌上林苑

奇字齋

三集卷一

三五

何鑰

遜詩垂衣封比屋尚書室家相慶史記周本紀民和睦頌聲興漢紀賈捐之曰君臣歌德頌聲並作何休曰頌聲者太平歌頌李陵與蘇武書勉事聖君

奉和聖製御春明樓臨右相園亭賦樂賢

詩應制帝紀開元十八年丁卯侍臣已下

三門中曰春明門雍錄開元二十年築夾

城通芙蓉園自大明宮夾東羅城複道經

春明門以達曲江芙蓉園即其地

也故公首句曰複道通長樂云

復道通長樂青門臨上路遙聞鳳吹喧閣識龍

輿度褰旒明四目伏檻紆三顧小苑接侯家飛

薨映宮樹商山原上碧澹水林端素銀漢下天

章瓊筵承湛露將非富民寵信以平戎故從來

簡帝心詎得迴天步史記始皇紀複道渡渭漢

與民庶相雜天子自行其上有私路處則作穴

竇如城門百姓在彼中往來叔孫通傳孝惠帝

為東朝長樂宮乃作複道方築武庫南此正所

謂長樂複道雍錄長樂宮甬道自咸陽屬之漢

高帝從洛陽南宮複道望見諸將偶語注上下

有道故為之複也又元和志云始皇作閣道至

驪山八十里人行橋上車行橋下則漢之複道

即秦之閣道也又云漢之複道不止長樂有之

未央之北有桂宮北宮明光之屬皆各有宮而

常相往來者皆有複道也長樂注見宮闕青門

奇字齋

王集卷一

三五

何應貞

於洛浦丘遲詩馳道聞鳳吹尚書明四目劉孝
 綽詩伏檻臨曲池左傳衛夫人見太子太子三
 顧庾信詩帳幕參三顧吳都賦飛薨舛互鮑昭
 詩飛薨各鱗次水經注商山一名楚山即今之
 商州商洛縣山也通志商洛山在商縣東南九
 十里即四皓隱處三輔黃圖滻水出藍田谷北
 至霸陵入灞毛詩倬彼雲漢為章於天又湛湛
 露斯左傳衛甯武子來聘公與之宴為賦湛露
 前漢書車千秋訟太子寃武帝立拜千秋為大
 鴻臚封富民侯外戚恩澤侯表云富民定侯車
 千秋以丞相侯八百戶以遺詔益封凡千六百
 戶劉子駿廟議云功業既定乃封丞相為富民
 侯是也左傳齊桓公使管仲平戎于周使隰明
 平戎於晉尚書湯誥予簡在上帝之心顏延年
 賦序妙簡帝心毛詩天步艱難張天
 錫曰天步屯蹇陸機詩粲粲光天步
 章奉和聖製送不蒙都護兼鴻臚卿歸安西

應制

不蒙蕃官姓也今新舊二史無傳鴻
 臚卿漢官也周禮大行人掌賓客及

諸侯朝覲事漢官云奉置典客掌諸侯及
 歸義蠻夷漢景帝更名大行令武帝改曰
 大鴻臚百官志至梁加卿字曰鴻臚卿隋
 唐因之舊唐志安西大都護府貞觀十四
 年平高昌置顯慶三年移安西於龜茲國
 舊安西府復為西州通典安西都督府東
 接焉耆西連疏勒南
 鄰吐蕃北拒突厥

上卿增命服都護揚歸旆雜虜盡朝周諸胡皆

自鄼鳴笳瀚海曲按節陽關外落日下河源寒

山靜秋塞萬方氛稔息六合乾坤大無戰是天

心天心同覆載

上卿注見四時毛詩服其命服
 注天子所命之服也左傳賜三

帥三命之服沈約碑軍麾命服之序注爵命之
 服也漢書西域傳武帝時西域內屬有三十六
 國漢為置使者校尉領護之宣帝改曰都護西
 域傳神爵三年使鄭吉并護北道故號曰都護
 鄭吉傳既破車師降日逐威震西域遂并護車
 師以西北道故號都護都護之置自吉始焉注
 並護南北二道故謂之都都猶大也總也唐志
 大都護府大都護一人從二品副大都護二人
 從三品副都護二人正四品上掌統諸蕃撫慰
 征討敘功罰過總判府事白馬篇雜虜入雲中
 國語鄠由叔姪左傳自鄠以下無幾焉世本曰
 陸終娶於鬼方氏之妹生六子孕三年啓其左
 脅三人出焉啓其右脅三人出焉其四曰永言
 是謂之鄠鄠人者鄭是也劉禎云鄠在豫州方
 外之北北鄰於鄠號熒之南左濟右洛居陽鄭
 兩水之間徐廣曰鄠在密縣姪姓矣不得在外
 方之比也說文祝融之後溱洧之間從邑會聲
 通作檜魏文帝書從者鳴笳以啓路庾信詩鳴

笳河曲還晉先蠶儀注胡人卷笳葉蘆葉而吹
 之故曰胡笳蔡琰為胡騎所獲登胡殿感笳之
 音晉書劉疇援笳而吹之樂書胡笳似簞策而
 無孔後世鹵簿用之世言伯陽避入西戎所作
 晉有大菰小菰蓋其遺制史記衛青傳注按崔
 浩云北海名羣鳥之所解羽故云瀚海廣志云
 在沙漠北博物志北海之別有瀚海魏志從帶
 方郡至倭又南度一海千餘里曰瀚海舊唐志
 瀚海軍開元中蓋嘉運置在北庭都護府漢書
 汲黯曰臣謹以按節發河內粟子虛賦注按節
 猶弭節也言頓轡也按轡而行得節故曰按節
 漢書燉煌龍勒有玉門陽關荀悅漢紀自玉門
 陽關出西域有四道行從鄯善旁出南山西行
 至莎居為南道南道西踰葱嶺則出大月氏安
 息自車師旁北山西行至疏勒為北道北道西
 踰葱嶺則出大宛康居奄蔡馱耆西域諸國使
 于闐記自甘州西始涉磧西北五百里至肅州
 渡金河西百里出天門關又西百里出玉門關
 奇字齋

入吐蕃界西至沙州南十里鳴沙山又東南十里三危山其西渡都鄉河曰陽關清波雜誌陽關在遼西去長安一萬里漢將陽興敗出此關因以為名左傳注霧氣也國語注氛侵氣象也凶曰氛吉日祥鄭玄注侵陰陽氣相侵漸以成災也釋名氛粉也潤氣著草木因寒凍凝色白若粉之形也稜侵也赤白之氣相侵也江賦隸霧稜於清旭王僧達詩遠山歛氛侵莊子六合之外聖人存而不論六合之內聖人論而不議山海經地之所載六合之間歐陽建詩恢恢六合間南都賦啓天心而寤靈淮南子覆天載地

獻贈

獻始興公

文苑英華劉校本俱注云時拜右拾遺唐書張九齡字子壽韶州曲江人封始興縣伯卒贈荊州大都督謚曰文獻舊唐志始興漢南野縣地屬豫

新唐書

章郡孫皓分南康郡之南鄉始興縣縣界始興下開元十七年詔張九齡開

寧棲野樹林寧飲澗水

一作

流不用坐梁肉崎

嶇見王侯鄙哉匹夫節布褐將白頭任智誠則

短守仁固其優側聞大君子安問黨與讐所不

賣公器動為蒼生謀賤子跪自陳可為帳下不

感激有公議曲私非所求

史記田文曰僕妾餘梁肉漢書食貨志食

必梁肉注梁好粟也周易不事王侯左思詩赫赫王侯居魏志劉廙曰虧匹夫之節成巍巍之美任昉箋高蹈海隅匹夫之小節呂氏春秋知短而不知化張華詩道長苦智短側聞注見四時史記董仲舒曰不足稱大君子之門注仲尼之門故稱大左傳君子謂祁奚能舉善矣稱其

奇字齋

讐不為諂立其子不為比舉其偏不為黨劉琨
 詩安問黨與讐蓋舊句唐書陸元方薦引皆親
 黨后召讓之對曰舉臣所知不暇問黨仇即公
 詩所云也梁書武帝曰夫天下之寶本是公器
 尚書注蒼蒼然而生晉書安石不起當如蒼生
 何又深源不起當如蒼生何漢書王邑請賓邑
 稱賤子應休璉詩避席跪自陳賤子實空虛史
 記周昌傳注張晏曰為帳下客世說新語王丞
 相主簿欲檢校帳下趙岐孟
 子章指千里聞之猶有感激
 自刺曰為卿下不

贈從弟司庫貞外綵

少年識事淺彊學干名利徒聞躍馬年苦無出
 人智即事豈徒言累官非不試既寡遂性歡恐
 招負時累清冬見遠山積雪凝蒼翠皓然出東

林發我遺世意惠連清素賞夙語塵外事欲緩

攜手期流年一何駛駱賓王詠懷詩首句云少年識事淺不知交道難公

詩倣此莊子夫名利之大者幾在無恥史記蔡澤傳躍馬食肉三十三年亦足矣蜀都賦公孫

述躍馬而稱帝謝靈運詩即事罕人功論語吾不試故藝陸機詩積雪被長巒桓子新論常為

世俗所遺失焉宋書謝方明子惠連幼而聰敏年十歲能屬文族兄靈運深相知賞謝靈運傳

惠連幼有才悟而輕薄不為父方明所知靈運嘗造方明視惠連大相知賞謂方明曰阿連才

悟如此而尊作常兒遇之何塵外攜手並見四時潘岳詩歎彼年往駛注駛急也

座上走筆贈薛璩慕容損

希世無高節絕跡有卑棲君徒視人文吾固和

天倪緬然萬物始及與羣牧齊分地依后稷用
天信重黎春風何豫人令我思東谿草色有佳

意花枝稍含蕙更待風景好與君藉萋萋莊子原憲

曰夫希世而行漢書注希世隨世也陸機詩希世無高符曹植書數子猶復不能飛騫絕跡北

史李謚遂絕跡下惟韋孟詩修翼無卑棲周易觀乎人文以化成天下莊子和以天倪注天倪

者自然之分斑固曰天研陸機詩緬然若雙潛左傳共工有子曰勿龍佐顓頊能平九土為后

土故祀以為社孝經說稷者五穀之長五穀衆多不可偏祭故立稷而祀之禮記厲山氏之有

天下也其子曰社能植百穀夏之衰也周棄繼之故祀以為稷左傳土后為后稷田正也有烈

山氏之子曰柱為稷自夏以上祀之周棄亦為稷自商以來祀之漢書郊祀志高祖五年初祀

后稷左傳重為勾芒水正黎為祝融火正世本云老童娶於根水氏謂之驕福產重及黎山海

經顓頊生老童老童生重及黎注顓頊乃命南正重司天以屬神命北正黎司地以屬民重實

上天黎實下地楚世家注重氏黎氏二官代司天地據左氏少昊氏之子曰重顓頊氏之子曰

黎今以重黎為一人乃是顓頊之子孫者索隱曰二人元是水火之官說文蕙卉木初生葉貌

一曰莠也茅之始生曰蕙楚辭芳草生兮萋萋天台賦藉萋萋之纖草注以草薦地而坐曰藉

贈李頎唐詩紀事載此詩於李頎詩後文獻通考頎東川人開元十三年賈

季鄰榜進士調新鄉縣尉

聞君餌丹砂甚有好顏色不知從今去幾時生

羽翼王母翳華芝望爾崑崙側文螭從赤豹萬

里走方息悲哉世上人甘此羶腥食

列仙傳王柱與道士

共上宕山言此有丹砂可得數萬觔邑令章君明餌丹砂三年得神砂飛雪服之五年能飛行遂與柱俱去云木草丹砂益精神悅澤人面久服能神明不老輕身神仙莊子眉目顏色之好參同契顏色悅澤好曹植詩忽逢二童顏色鮮好魏文帝詩身體生羽翼山海經西王母其狀如人豹尾虎齒而善笑蓬髮戴勝是司天厲及五殘河圖玉版亦曰西王母居崑崙山山西經西王母居玉山穆天子傳乃紀多跡於弁山之石曰西王母之山也然則西王母雖以崑崙為宮亦有離室別窟游息之處不專住於一山也酉陽雜俎西王母姓楊諱回治崑崙西北隅以丁丑日死一日婉姸集仙錄西王母者姓緱氏女子之登仙得道者咸隸焉琴賦背長林翳華芝甘泉賦迺登夫鳳凰兮而翳華芝注華芝華蓋也言以華蓋自翳也山海經崑崙之墟上有

何應亭

醴泉華池其高一萬一千里去嵩高高五萬里蓋天地之中也又云赤水之後黑水之前有大山名曰崑崙之丘穆天子傳天子遂宿於崑崙之阿是實惟帝之下都拾遺記崑崙山有昆陵之地其高出日月之上山有九層每層相去萬里仙傳拾遺西王母居崑崙之圃閬風之苑有城三千里王樓十二左帶瑤池右環翠水十洲記崑崙山有三角一角正北名閬風嶺一角正西名玄圃臺一角正東名崑崙宮王母居焉離騷乘赤豹兮從文螭西山經有獸焉其狀如赤豹五尾一角其音如擊石其名曰猊皆西王母所居之產也王褒頌萬里一息左傳咎犯曰事不成犯肉腥臊何足食絕交書漫之羶腥高僧傳飲食斷腥羶

贈劉藍田

劉卽藍田令也宋書藍田令漢舊名本屬京兆舊唐志隋京兆

郡領藍田縣武德二年分藍田置白鹿縣又改白鹿為寧人縣分藍田置玉山縣七

奇字齋

王集卷一

里

籬中一作犬迎吠出屋候柴扉歲晏輸井稅山

村人夜歸晚田始家食一作餘布成我衣詎肯

無公事煩君聞是非列子楊朱之弟解素衣衣

吠之范雲詩有客款柴扉歲晏注在四時秋興

賦輸黍稷之餘稅周易不家食吉孟子女有餘

布論語非公事未嘗至於偃之室也末二句乃

公自云既無公事則不至藍田之室必不以是

非之言煩聞於劉君也老圃亭愚管記余讀司

馬彪續漢書劉寵傳其父老云他時吏徵發民

間或夜不絕犬吠竟夕民不安坐自明府以來

犬不夜吠吏稀至民間則知劉君之令藍田其

不逮榮祖之守會稽遠矣觀公詩乃云犬迎吠

而出候輸井稅而夜歸則邑有夜吠之犬村無

希至之吏況晚田餘布所存無幾其於粟帛之

征亦甚急也是右丞不滿於劉君槩可知矣

贈房盧氏瑄舊唐書房瑄字次律河南人

及箋啓以獻中書令張說奇其才奏授校

書郎調補馮翊尉舉授虢州盧氏令政多

惠愛人稱羨之肅宗以瑄素有重望行在

機密多決之於瑄詔加持節招討西京廉

訪防禦蒲潼兩關兵馬節度等使拜特進

刑部尚書在路遇疾卒於閬州僧舍贈太

尉金剛感應錄開元十五年房瑄為盧氏

奇字齋

王集卷一

三

王集

高門之險西有白華之關熊山峙其南鐵嶺鎮其北外而羣山環繞內而洛水中流

達人無不可忘已愛蒼生豈復少千一作室絃

歌在兩楹浮人日已歸但坐事農耕桑榆鬱相

望邑地多雞鳴秋山一何淨蒼翠臨寒城視事

兼偃卧對書不簪纓蕭條人吏疎鳥雀下空庭

鄙夫心所向晚節異平生將從海嶽居守靜解

天刑或可累安邑茅茨君試營列子端木叔達人也鵝冠子達

人大觀鵬賦達人太觀兮物無不可忘已沈約詩忘已用堯心蒼

物忘乎天其名為忘已沈約詩忘已用堯心蒼生見前左傳晉侯賞桓子狄臣千室後漢書童恢傳贊千室鳴弦陸機詩千室非良鄰謝靈運

詩弦歌媿言子張景陽詩制勝在兩楹注謂階

間也尚書傳浮行也齊賢注浮人前漢書初千秋

即浮客謝靈運詩眷眷浮客心前漢書初千秋

始視事漢紀尚書誥李膺曰尹視事無幾而多

殺伐乎翟方進傳除股起視事沈約彈文視事

如故列子紀昌歸偃卧其妻之機下嚴光傳因

其偃卧謝靈運詩偃卧任縱誕又詩空庭來鳥

雀漢紀賈復闔門守靜張奐傳多不能守靜隴

西行誰能守靜莊子老聃曰無趾者天刑之安

可解漢書閔仲叔世稱節士復以博士徵不至

客居安邑老病家貧不能得肉日買猪肝一片

屠者或不肯與邑令聞勅吏常給焉仲叔怪而

問之知乃歎曰閔仲叔豈以口腹累安邑邪遂

去客沛以壽終謝承書高士傳並作閔貢墨子

堯舜茅茨不剪說文茅茨蓋屋也釋名屋以草

蓋曰茨茨次也次比草為之也晉中興書范宣

茅茨不完陶潛詩茅茨已就治蓋公以安邑比

盧氏以安邑今比房瑄而公以閔仲叔自任也

奇字齋

三集卷一

四

未意公他日將託居於房耳唐詩紀事瑄宰盧氏王維贈詩云達人無不可忘已愛蒼生豈復少十室弦歌在兩楹又云視事兼偃卧對書不簪纓蕭條人吏疎鳥雀下空庭是時瑄之清名已重於縉紳矣

贈祖三詠

公自注濟州官舍作按祖詠集後序云詠洛陽人開元十三年

進士張說引為駕部員外郎唐詩紀事開元中進士唱第尚書省落第者至省門散去詠吟曰落去他兩兩三三戴帽子日莫祖復吟一聲長安竹柏枯死

躡蛸挂虛牖蟋蟀鳴前除歲晏涼風至君子復何如高館閑無人離居不可道閒門寂已閉落日照秋草雖有近音信千里阻河關中復客汝

頽去年歸舊山結交二十載不得一日展貧病

子既深契濶余不淺仲秋雖未歸暮秋以為期

良會詎幾日終日長相思

毛詩躡蛸在戶爾雅躡蛸一名長跖一名

長脚注今小蜘蛛長股者俗呼喜子亦如蜘蛛布網垂絲着人衣當有親客至荆州河内之人謂之喜母幽州人謂之親客詩疏蟋蟀似蝗而小正黑有光澤如漆有角翅一名蒼一名青蛩楚人謂之王孫幽州人謂之趨織阮籍詩蟋蟀鳴戶牖周書立秋之日涼風至淮南子涼風至注云兌卦之風也爾雅北風謂之涼風斑婕仔詩切恐涼風至周易閒其無人潘岳懷舊賦空館闕其無人毛詩正大夫離居楚辭將以遺兮離居張景陽詩離居幾何時戰國策注河關屬金城史作清河縣是也漢書地理志河關在羗中河水行塞外東北入塞內至章武入海顏延奇字齋

年詩一別阻河關禮書汝穎以為險括地志云
 汝源出汝州魯山縣西伏牛山流至豫州郟城
 縣穎源出洛州嵩高縣東南三十五里陽乾山
 水經汝水出河南梁縣勉鄉西天息山又東南
 穎川郟縣南注言汝又逕穎之陝縣故城唐書
 河南道其大川伊洛汝穎戰國策奉陽君乃使
 使結交於蘇秦史記繆賢傳王私握臣手曰願
 結交蘇武詩結交亦相因江淹詩去鄉二十載
 毛詩注契濶勤苦也韓詩注契濶約束也契合
 也濶離也陸機詩契濶踰三年禮記仲秋之月
 孫綽詩蕭瑟仲秋月纂要九曰暮秋毛詩秋以
 為期定情賦秋為期兮時未征後漢書范式與
 張元伯為友春別京師暮秋為期維神賦悼良
 會之永絕兮樂府怨思曲其一曰長相思古詩
 著以長相思

贈張五弟諲三首

劉校本及唐音題上俱有戲字唐詩紀事張諲

官至刑部員外郎善草隸工丹青與王維
 李頎等為詩酒丹青之友尤善畫山水王
 維答詩曰屏風誤點惑孫郎團扇草書輕
 內史李頎詩曰詩堪記室妬風流盡與將
 軍作勅敵觀皇甫冉集亦有答張諲及夜
 集張諲所居二首李頎集又有臨別送張
 諲入蜀一首則知四人誠一時友善而諲
 亦當代名士也至讀李龔集有送張諲之
 睦州郎士元集有贈張五諲
 歸濠州則知諲乃濠人也

吾弟東山時心尚一何遠日高猶自卧鐘動始

能飯不必其人領頭一作上髮未梳牀頭書不卷

清川興悠悠空林對偃蹇青苔石上淨細草松

下軟牕外鳥聲閒階前虎心善徒然萬像多澹

爾太虛緬一知與物平自顧為人淺對君忽自

得浮念不煩遣

左傳宋左思每食擊鐘高僧傳袁州山僧偶得一虎皮戲披於

身頗克肖之乃近水照之形骸雖虎而心歷歷然人也但不能言一旦餒忽一人過於前遂躍

而噬之細視之一衲僧也心自思曰我本人也自為不善活變為虎今又殺僧以充腹寧餓死

弗重其罪也因仰天號絕忽皮落如脫一裸僧也走於鄰境佛寺時圓超上人念其勤恭問爾

習何法對曰某心有悔行願因土人決之具言為虎之事上人謂曰爾惡念為虎善心為人苟

有志脫離則人不為虎有虎不為人矣僧乃奉教

張第五車書讀書仍隱居染翰過草聖賦詩輕

子虛閉門二室下隱居十年餘宛是野人也時

從漁父魚秋風日蕭索五柳高且疎望此去人

世渡水向吾廬歲晏同攜手只應君與予

莊子惠施

多方其書五車世說新語司馬太傅問謝車騎惠子其書五車何以無一言入玄漢書王霸隱

居守老後漢書張奐長子芝字伯英善草書至今人稱傳之王惜文章志張伯英臨池學書池

水盡黑家之衣帛必書而後練草書為世所寶韋仲將謂之草聖漢書相如著子虛賦後蜀人

揚得意為狗監侍上上讀子虛賦曰朕獨不得與此人同時哉得意曰臣邑人司馬相如言自

為此賦上乃召相如相如曰此迺諸侯之事未足觀請為天子游獵之賦以子虛虛言也為楚

稱烏有先生何有此事也為齊難亡是公者亡是人也欲明天子之義故虛藉此三人為辭以

風諫焉杜密傳劉勝閉門無所干西征記嵩中嶽也其山東為太室西為少室相去十七里嵩

其總名也謂之室者以其下各有石室焉少室高入百六十丈上方十里與太室相埒但小耳秋興賦序僕野人也高士傳漁父者楚人也五柳事著見田廬南史劉歊常欲避人世以母老不忍劉孝綽詩既異人世勞陶潛詩吾亦愛吾廬歲晏攜手並注見前四時

設且守兔兔垂釣伺游鱗此是安口腹非關慕

隱淪吾生好清淨蔬食去情塵今子方豪蕩思

為鼎食人我家南山下動息自遺身入鳥不相

亂見獸皆相親雲霞成伴侶虛白侍衣巾何事

須夫子邀予谷口真毛詩肅肅兔且鮑昭詩伐

舊句也吳都賦西海失其游鱗沈約詩百丈見游鱗桓譚新論天下神人五二曰隱淪江淹賦

納隱淪之列貞郭璞詩隱淪輕精魄涅槃經其性清淨離於五根阿含經瞿曇生處清淨百法

論情塵之意合故知生也頭陀寺碑文情塵為岳家語子路列鼎而食漢書主父偃傳丈夫生

而不五鼎食莊子孔子曰入獸不亂羣入鳥不亂行注云為萬物之林藪陶潛詩入鳥不駭雜

獸斯羣謝靈運詩雲霞收夕霏莊子虛室生白喻心定則生明也定情篇侍寢執衣巾漢紀谷

口鄭子真王鳳慕其名以禮聘子真子真遂不屈楊子谷口鄭子真不詘其志耕於巖石之下

名震於京師華陽國志鄭子真褒中人也家谷口世號谷口子真亡漢中與立祠高士傳鄭朴

字子真谷口人也世服其清高馮翊人刻石祠之

贈裴十迪

唐音注迪關中人與王維同倡和唐詩紀事迪初與王維俱居

終南天寶後為蜀州刺史與杜甫友善

奇字齋

王集卷一

四

風景日夕佳與君賦新詩澹然望遠空如意方

支願春風動百草蘭蕙生我籬曖曖日暖閨田

家來致詞欣欣春還臯淡淡水生陂桃李雖未

開萸萸滿芳一作枝請君理還策敢告將農時

晉書周顛曰風景不殊陶潛詩山氣日夕佳琴賦臨清流賦新詩胡綜別傳時有掘地得銅匣

長二尺七寸開之得白玉如意莊子曰右手支願說文蘭本草葉似澤蘭方莖蘭圓葉白華紫

萸生澤畔八月花一名水香一名香水蘭澤可作膏塗髮通志略蘭即蕙蕙即薰薰即零陵香

古方謂之薰草按蘭舊名煎澤草婦人和油澤頭故以名焉南越志零陵香一名燕草別錄云

薰草一名蕙草明薰蕙之為蘭也離騷辯證蘭蕙名物本草言之甚詳劉次莊云今沅澧所生

花在春則黃在秋則紫不若秋紫之芬馥又引

黃魯直云一榦一花而香有餘者蘭一榦數花

而香不足者蕙汗漫錄王維貯蕙蘭必黃磁斗

養以綺石累年彌盛則短二物為公夙好云陶

潛詩曖曖空中滅歸去來辭木欣欣以向榮毛

萋詩傳欣欣樂也高唐賦水淡淡而盤紆注說

文淡淡水搖也

胡居士卧病遺米因贈唐李端集有贈胡居士又司空曙集

有過胡居士觀王右丞遺文意端曙去公最近所稱胡居士即此也

了觀四大因根性何所有妄計苟不生是身孰
休咎色聲何謂客陰界復誰守徒言蓮花目豈
惡楊枝肘既飽香積飯不醉聲聞酒有無斷常

見生滅幻夢受即病即實相趨空定狂走無有
 一法真無有一法垢居士素通達隨宜善抖擻
 牀上無羶卧鍋中有粥否齋時不乞食定應空
 嗽口聊持數斗米且救浮生取大寶積經善逝
 嚴經由我諦觀四大瓔珞經四大因緣有識分
 別圓覺經由彼妙覺性徧滿故根性大寶積經
 知諸根性入楞伽經我今當說妄計自性差別
 相彼諸妄計相皆因緣起有善達於妄計緣起
 則不生首楞嚴經成妄計果太玄經以晝夜別
 其休咎文殊師利問經色有十二種謂青黃赤
 白煙雲塵霧光彩明暗聲有七種謂螺聲鼓聲
 小鼓聲大鼓聲歌聲男聲女聲涅槃經一切衆
 生無明因緣於陰入界文殊師利問經不知施
 界天不知陰界入法華經是菩薩目如廣大青

蓮花葉八十隨好云如來明相修廣猶如青蓮
 花葉晉書佛圖澄傳燈呪鉢水生青蓮花花色
 曜日莊子支離叔與滑介叔觀於冥伯之丘崑
 崙之墟黃帝之所休俄而柳生其左肘維摩經
 維摩詰往上方有國號香積以衆香鉢盛滿香
 飯悉飽衆會故今名僧舍廚為香積酒譜醉胡
 僧云何年飲着聲聞酒直到而今醉不醒傳燈
 錄因聲得教謂之聲聞涅槃三阿僧祇劫修成
 佛者皆屬聲聞要覽諸佛聖教聲聞為上首從
 師友所聞展轉修證小行小果故名聲聞大寶
 積經超過一切斷常見門無盡意經正見不起
 斷常見摩詰經若行生滅是求生滅如來藏經
 世間一切生滅法無有一法不歸如也華嚴經
 非生滅身如幻夢身薩婆羅經於諸法中不互
 諸相是名實相傳燈錄色身無相即是實相首
 楞嚴經佛告富樓那汝豈不聞室羅城中演若
 達多忽於辰朝以鏡照面不見面目以為魑魅
 無狀狂走此人何故狂走富樓那言是人心狂
 奇字齋

便無他故又頭本無妄何以狂走若悟本頭識
 知狂走大寶積經無有一法能作餘法維摩詰
 經故法無有我離我垢韓非子太公封於齊有
 居士在喬華仕禮記居士錦帶注道藝處士也
 楞嚴經疏博聞彊識不求仕宦居財大富秉志
 堅貞故名居士又云或作沙門白衣居士法華
 經諸佛隨宜說法楞嚴經注頭陀新云杜多此
 翻抖擻又天竺言頭陀此言抖擻同覺要覽抖
 擻貪慾嗔癡三界內外不敢不捨名杜多寶雲
 經凡乞食為四分一奉同梵行一與窮乞一與
 鬼神一分自食十二頭陀經食有三種三常乞
 食大灌頂神呪經入城聚落分衛乞食維摩詰
 經應次行乞食釋氏要覽食後嗽口根本百一
 佛言飲食染者若食嗽未漱口設漱口尚有餘
 津膩是名有染故食後事須嗽刷牙
 口齒莊子其生若浮其死若休

與胡居士皆病寄此詩兼示學人二首

劉校

本注云
梵志體

一與微塵念橫有朝露身如是觀一作陰界何

方置我人礙有固為主趣空寧捨賓洗心詎懸

解悟道正迷津因愛果生病從貪始覺貧色聲

非彼妄浮幻即吾真四達竟何遣萬殊安可塵

胡生但高枕寂寞與誰鄰戰勝不謀食理齊甘

負薪子若未始異詎論疎與親大寶積經如彼

盡為微塵首楞嚴經所有微塵等無差別雜寶

積經我身如電光不久照耀亦如朝露史記趙
 良曰君之危若朝露漢書李陵謂蘇武曰人生
 如朝露別賦朝露溘去古樂府年命若朝露陰

奇字齋

三集卷一

五

界注見前維摩詰經時維摩詰來謂我言欲何方置此人何以教此比丘傳燈錄於從相中不礙有故能解此名實相莊子古者謂是帝之縣解注以生為縣以死為解縣音玄解音蟹梁寶誌十二時頌有道人掌擎如意珍若着物入迷津涅槃經染者名愛若我法中因雖無常果是常者維摩詰經故以是像開解一切貧貪之行色聲注見前首西域記世間浮幻宜修勝善謝靈運贊幻工作同異誰復謂非真禮記周道四達莊子精神四達並流無所不極謝瞻詩四達雖平直淮南子萬殊為一也達旨齊品謂之萬殊盧諶詩萬殊一轍戰國策馮驩曰君姑高枕而卧矣楚辭故高枕而自適韓子子夏曰吾入見先王之義則榮之出見富貴又榮之二者戰於胷臆故懼今見先王之義戰勝故肥謝靈運詩戰勝懼者肥金剛經注祇洹林樹名梵云祇洹此云戰勝高士傳披裘公者五月披裘而負薪

浮空徒漫漫汎有定悠悠無乘及乘者所謂智人舟詎捨貧病域不疲生死流無煩君喻馬任以我為牛植福祠迦葉求仁笑孔丘何津不鼓棹何路不摧輶念此聞思者胡為多阻修空虛花聚散煩惱樹稀稠滅相成無記生心坐有求降吳復歸蜀不到莫相尤

楞伽經諸天及梵乘聲聞緣覺乘諸佛如

來乘我說此諸乘乃至有心轉諸乘非究竟若彼心滅盡無乘及乘者無有乘建立我說第一乘世說新語經云般若者知慧也然則五者為舟般若為導涅槃經一切眾生凡有二種一者智人二者愚癡陶徵士誄少而貧病維摩詰經不疲解三脫門華嚴經致遠不疲度生死流首

楞嚴經阿難汝今欲逆生死欲流莊子士成綺見老子而問曰吾聞夫子聖人也吾固不辭遠道而來今吾觀子非聖人也老子曰夫巧智神聖之人吾自以為脫焉昔者子呼我牛也而謂之牛呼我馬也而謂之馬又一一以已為馬一以已為牛維摩詰經此人植福能增多不長阿含經婆羅門姓迦葉父大德母善勝居清淨城又云其彼村人婆羅門居士有禮拜迦葉五燈會元初祖迦葉尊者此云飲光世尊通塞志老子本迦葉尊者釋迦遣化東土佛祖統紀周穆王子於沁水石窟造迦葉佛像論語求仁而得仁江淹詩求仁既自我老圃亭愚管記沈雲卿驪州詩云無亭不駐馬何浦不橫舟右丞詩云何津不鼓棹何路不摧輶意雖不同造句則一言窮通所遇無適不然也楞嚴經觀世音以聞思修為圓通第一其言曰彼佛教我從聞思修入三摩地楞伽經何不滅世如虛空花首楞嚴經目瞪發勞則於空虛別見狂花圓覺經猶如

虛空華依空而有相無量清淨覺經諸菩薩皆復於虛空中持花散諸佛及諸菩薩阿羅漢上華皆復在虛空中下佛遺教經一切病者之良藥也伐煩惱樹之利斧也維摩詰經斷如滅相不以淫為無望礙又德頂菩薩曰垢為二見垢實淨相順於滅相華嚴經於斷滅相亦不受首楞嚴經阿難汝常意中所緣善惡無記三性注無記昏住心也金剛經菩提諸菩薩摩訶薩應如是生清淨生不應住色生心不應住聲香味觸法生心應無所住而生其心魏志蜀黃權軍敗降魏魏文帝謂曰君舍逆效順欲追蹤陳韓乎對曰臣降吳不可歸蜀無路是以歸命蜀先主凶問至羣臣咸賀唯權獨否按公還自賊庭有感昔事乃以吳比祿山以蜀比唐室而實竊附於黃權以自過也

丁寓田家有贈

文苑英華題云田家贈丁禹注云集作丁寓誤也

君心尚棲隱久欲傍歸路在朝每為言解印果

成趣晨雞鳴鄰里羣動從所務農夫行餉田閨

婦起縫素開軒御衣服散帙理章句時吟招隱

詩或著閒居賦新晴望郊郭日映一作桑榆暮

陰晝一作小苑城微明渭川樹揆予宅間井幽

賞何由屢道存終不忘迹異難相遇此時惜離

別再來芳菲度漢書虞卿解印注度趙王不可

解印綬又歸去來辭園日涉以成趣注七俞反

郭璞曰此皆人行步趨走之處謝靈運詩散帙

問所知說文帙書衣也漢書費直治易長於卦

筮無章句顏延年詩觀詩鄙章句古題要解招

隱本楚辭漢淮南王安小山所作也後人改以

為五言若左思杖策招隱等數篇最為首出韓

子閒靜安居謂之隱注左思苦天下溷濁故將

招尋隱者欲以退不仕晉書王子猷居山陰夜

雪獨酌詠左太冲招隱詩宋書梁統嘗汎舟後

池詠左思招隱詩閒居賦注禮記有閒居篇岳

取以為賦皇甫冉詩題詩即招隱作賦是閒居

與此二句相合後漢書馮異傳收之桑榆顏延

年詩物色桑榆時小苑注見應製山海經注渭

水出隴西首陽縣鳥鼠同穴山東北過狄道縣

南上邽縣北陳倉縣南武功縣北槐里縣南與

澇澧二水合東至高陵與涇水合又與漆沮水

合經秦漢之都至潼津而入河也

楚辭芳菲兮滿堂芳菲兮襲余

類箋唐王右丞詩集卷之一

越州陳式鶴精其建平宗訓

雲間張之象暨陽沈翰卿

姑胥岳岱周天球黃姬水

魯治王元勛

邑里姚咨朱子雲許應壁

陳吉言華弼錢鍾義

尤見賢成濬陳泰階

顧起綸同校閱

歲丙辰上巳初吉錫山顧氏刻于待沐園

